

REGIONALNI STAMBENI PROGRAM - RSP

Broj: 04-36-1-134-*8972* /13
Datum: 03.01.2019. godine.

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-8653-2/13 od 27.09.2018. godine i izmjene Rješenja broj: 04-36-1-134-8879/13 od 15.10.2018. godine, Projekt Menadžer **d o n o s i**

O D L U K U O IZBORU NAJPOVOLJNIJEG PONUĐAČA Izrada glavnih projekata za izgradnju višeporodičnih stambenih objekata u Općini Čapljina (30 stanova), u okviru Regionalnog stambenog programa - RSP, BiH2 Pod-projekta, 05/18-RSP-BiH2

I

U cilju odabira najpovoljnijeg ponuđača, nakon provedenog otvorenog postupka javne nabavke usluga - Izrada glavnih projekata za izgradnju višeporodičnih stambenih objekata u Općini Čapljina (30 stanova), u okviru Regionalnog stambenog programa - RSP, kao najbolje ocijenjena prihvatljiva ponuda je ponuda ponuđača: **“ARHITEKT” d.o.o. MOSTAR, sa ukupnom cijenom ponude, bez PDV – a, u iznosu od 13.970,00 KM.**

II

Ponuđač iz tačke I ove odluke ocijenjen je kao najpovoljniji, jer ispunjava sve uslove postavljene tenderskom dokumentacijom, a u skladu sa kriterijem za dodjelu ugovora, ponudio je najnižu cijenu.

III

Ponuđač **“ARHITEKT” d.o.o. MOSTAR**, je dužan u skladu sa zahtjevima iz Tenderske dokumentacije dostaviti originale ili ovjerene kopije dokumenta iz člana 45. (stav 2). Ukoliko izabrani ponuđač ne dostavi traženu dokumentaciju u određenom roku, 7 dana od dana dostave odluke o dodjeli ugovora, ugovor za javnu nabavku dodijelit će se drugorangiranom ponuđaču u skladu sa članom 72. stav 3. Zakona o javnim nabavkama.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-8653/13 od 04.09.2018. godine. Predmet nabavke podijeljen je na pet LOT-a. Ukupna procijenjena vrijednost nabavke iznosila je 68.063,00 KM. Procijenjena vrijednost nabavke za LOT 1 iznosila je 17.602,00 KM i predviđena je Planom javnih nabavki za 2018. godinu u okviru Regionalnog stambenog programa, pod rednim brojem 05/18-RSP BiH2 Pod-projekta. Obavijest o nabavci, broj: 668-1-2-57-3-62/18 poslana je na objavu 07.09.2018. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 63/18.

Tri ponuđača su dostavila ponudu u predmetnom postupku nabavke. Ponude su dostavljene blagovremeno. Ponude su dostavili sljedeći ponuđači: Arhitekt d.o.o. Mostar, Javno preduzeće za prostorno planiranje i uređenje grada "Zenica" d.o.o. Zenica i "Edi-Ing" d.o.o. Donji Vakuf.

Komisija za javne nabavke, imenovana Rješenjem, broj: 04-36-1-134-8653-2/13 od 27.09.2018. godine, izvršila je pregled i evaluaciju prispjelih ponuda i konstatovala da su dvije ponude prihvatljive za ugovorni organ.

Nakon izvršenog pregleda i evaluacije ponude, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-8933/13 od 28.11.2018. godine zajedno sa Preporukom da se donese Odluka o izboru najpovoljnijeg ponuđača "ARHITEKT" d.o.o. Mostar, sa registriranim sjedištem na adresi u ul. Kneza Višeslava bb, grad Mostar, ID broj: 4227086940000, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, svaki od ponuđača koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Svim učesnicima u postupku
- Web stranica Ministarstva
- Grupa poslova za javne nabavke
- a/a

PO OVLAŠTENJU MINISTRA



Projekt menadžer
MA dipl.ing. arh Azra Smječanin

